



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola VIII. Hadriani Papae IV. Ad VVilhelmvm Regem Siciliae. De titulo
regni, aliisque priuilegiis ab eo per vim & metum extortis.

urn:nbn:de:hbz:466:1-15588

EPISTOLA VIII.

HADRIANI PAPÆ IV.

AD VVILIELMVM REGEM SICILIÆ.

De titulo regni, aliisque priuilegiis ab eo per vim
& metum extortis.

*Hadrianus episcopus seruus seruorum Dei carissimo in Christo
Filio Vvilielmo illustri & glorioſo Siciliæ regi, eiusque he-
redibus, quos pro voluntaria ordinatione sua statuerit in re-
gnum in perpetuum.*

LIET ex iniuncto nobis a Deo apostolatus officio vniuersos Christi fideles paternæ caritatis brachiis debeamus amplecti, atque ad pacem eos & concordiam inuitare, reges tamen & sublimiores quasque personas tanto amplius diligere & honorare debemus, atque de bono pacis eos tanto studiosius commonere, quanto ecclesiæ Dei & fidelibus Christianis maior inde fructus spiritualiter ac temporaliter dignoscitur prouenire. Constat, carissime in Christo fili Vvilielme, gloriose Siciliæ rex, te inter reges & celsiores personas sæculi eximiis operibus, potentia opibusque clarere; ita ut ex vi-
gore iustitiae, quam in terra sub tua ditione constituta conseruas, ex securitate pacis, qua omnes per eamdem consti-
tutti lætantur, & ex terrore quem inimicis Christiani nominis per opera magnifica incusisti, vsque ad extre-
mos angulos fama tui nominis & gloria protendatur. Quod siquidem nos, dilectissime in Christo fili Vvilielme eximie, diligentius attendentes, & inspicientes pariter quantæ vtilitates Romanæ ecclesiæ valeant prouenire, si celsitudo tua per firmam pacem ei & concordiam coniungatur; dum in ciuitate Beneuentana securi & liberi cum fratribus nostris essemus, ad pacem tecum habendam diligenti studio decreuimus intendere. Misimus ergo ad excellentiam tuam quosdam fratrum nostrorum, scilicet ut supra, & proposuimus per eos nostrum de bono pacis & concordiae desiderium: & inuitauimus atten-
tius, & monuimus excellentiam tuam ad pacem. Et illius

illius inspirante virtute , qui ad cælum iturus discipulis suis ait : *Pacem meam do vobis, pacem meam relinquo vobis: Ioan. 14.*
talem animum tuum inuenimus, qualem filii pacis & catholici principis decuit inueniri. Et mediantibus præfatis filiis nostris, &c. vt supra, in hanc formam pacis libera & spontanea voluntate nostra deuenimus, vt videlicet de capitulis illis, de quibus inter nos & excellentiam tuam controuersia est, per omnia, &c. Ut autem quæ supra diximus tam nostro, quam successorum nostrorum tempore perpetuam obtineant firmitatem, & nec tuis, nec tuorum heredum temporibus alicuius valeant præsumptione turbari ; nos ea de communi consilio, & voluntate fratrum nostrorum auctoritate apostolica confirmamus, & valitura in perpetuum præsentis scripti pagina communimus, & tam a nobis, quam a nostris successoribus perpetuis temporibus statuimus obseruanda.

Nulli ergo omnino liceat hanc paginam nostræ concessionis & confirmationis infringere, vel ei ausu temerario contraire. Si quis autem hoc attentare voluerit, omnipotentis Dei & beatorum Petri & Pauli apostolorum eius indignationem incurrat. Amen, Amen, Amen.

Datum anno dominicæ incarnationis millesimo centesimo quinquagesimo sexto, mense Iunii, quartæ indictionis.

EPISTOLA IX.

HADRIANI PAPÆ IV.

AD RECTORES ROMANÆ FRATERNITATIS.

Arnaldus hæresiarcha Eugenii III. tempore, præter alia execranda quæ aduersus Romanam ecclesiam præsumperat, clericos cardinalibus subditos ab iis diuellere laborauit : ad eiusmodi ergo inuentum diabolicum, quod inualuerat, auferendum, decernit Hadrianus papa vt capellani promittant obedientiam rectoribus titulorum.

Hadrianus quartus, rectoribus Romanæ fraternitatis.

Ad audientiam nostram peruenit, quod clerici sancti Petri ad Vincula in quadam capella sua, ecclesia videlicet sanctæ Mariæ in Candiatore, quia eiusdem ec-

Concil. Tom. 27.

G g